



ქობულეთის მუნიციპალიტეტის საკრებულო

დადგენილება N07

2017 წლის 18 მაისი

ქ.ქობულეთი

ქობულეთის მუნიციპალიტეტის საპატო მოქალაქის წოდების შემოღებისა
და საპატო მოქალაქის წოდების მინიჭების წესის დამტკიცების შესახებ

„ნორმატიული აქტების შესახებ“ საქართველოს კანონის მე-20 მუხლის შესაბამისად,
ქობულეთის მუნიციპალიტეტის საკრებულო ა დ გ ე ნ ს,

მუხლი 1.

შემოღებულ იქნას „ქობულეთის მუნიციპალიტეტის საპატო მოქალაქის“ წოდება.

მუხლი 2.

დამტკიცდეს ქობულეთის მუნიციპალიტეტის საპატო მოქალაქის წოდების მინიჭების წესი
დანართი N1-ის შესაბამისად.

მუხლი 3.

დამტკიცდეს ქობულეთის მუნიციპალიტეტის საპატო მოქალაქის მოწმობის ფორმა
დანართი N2 -ის შესაბამისად.

მუხლი 4.

დადგენილება ამოქმედდეს გამოქვეყნებისთანავე.

საკრებულოს თავმჯდომარე



ს. ოქროპირიძე

„ქობულეთის მუნიციპალიტეტის საპატიო მოქალაქის“ წოდების მინიჭების პროექტი
მუხლი 1. ზოგადი დებულებები

1. ეს პროექტი განსაზღვრავს ქობულეთის მუნიციპალიტეტის საპატიო მოქალაქის წოდების მინიჭებისა და ჩამორთმევის სამართლებრივ საფუძვლებსა და მისი განხილვის წესს.
2. ქობულეთის საპატიო მოქალაქის წოდების მინიჭება ხორციელდება „ადგილობრივი თვითმართვებლობის კოდექსის“ შესაბამისად.
3. ქობულეთის საპატიო მოქალაქეობა, მოქალაქის თანხმობით შეიძლება მიენიჭოს:
 - ა) საქართველოს მოქალაქეს, რომელსაც აქვს განსაკუთრებული დამსახურება ქობულეთის მუნიციპალიტეტის ან ქვეყნის წინაშე;
 - ბ) უცხო სახელმწიფოს მოქალაქეს - განსაკუთრებული დამსახურებისათვის საქართველოს ან ქობულეთის მუნიციპალიტეტის წინაშე.

მუხლი 2. „საპატიო მოქალაქის“ წოდების მისანიჭებლად კანდიდატურის წამოყენების წესი და პირობები

1. ქობულეთის მუნიციპალიტეტის საპატიო მოქალაქის წოდების მისანიჭებლად კანდიდატურის წამოყენების უფლება აქვს:
 - ა) საზოგადოებრივ, პროფესიულ, შემოქმედებით კავშირებსა და ორგანიზაციებს;
 - ბ) მუნიციპალიტეტის გამგებელს;
 - გ) საკრებულოს თავმჯდომარეს;
 - დ) საკრებულოს სიითი შემადგენლობის 1/3-ს;
 - ე) საინიციატივო ჯგუფს, მუნიციპალიტეტის ამომრჩეველთა არანაკლებ 1 %-ის ხელმოწერით.
2. კანდიდატის წარდგენა ხორციელდება წერილობითი ფორმით, რასაც თან უნდა ერთვოდეს:
 - ა) „საპატიო წოდების“ მისანიჭებლად კანდიდატურის წარმდგენი უფლებამოსილი ორგანიზაციის ან პირების რეკომენდაცია, წარდგენილი კანდიდატის ღვაწლის და დამსახურების აღნიშვნით;
 - ბ) ბიოგრაფიული მონაცემები;
 - გ) კანდიდატის ღვაწლისა და დამსახურების ამსახველი დოკუმენტები;
 - დ) წარდგენილი კანდიდატის პირადობის დამადასტურებელი დოკუმენტის ასლი და წერილობითი თანხმობა კანდიდატად წარდგენასთან დაკავშირებით;
 - ე) კანდიდატის 2(ორი) ფოტოსურათი ზომით 3x4.
3. ყოველწლიურად „საპატიო წოდება“ მიენიჭება 3-5 წარდგენილ კანდიდატს.

მუხლი 3. საპატიო მოქალაქის წოდების მინიჭება და ჩამორთმევა

1. ამ წესის მე-2 პუნქტით განსაზღვრული დოკუმენტები წარედგინება მუნიციპალიტეტის გამგებელს.
2. წარდგენილი კანდიდატის შესახებ ცნობების შეგვრებას და განხილვას აწარმოებს მუნიციპალიტეტის გამგებლის ბრძანებით შექმნილი სამუშაო ჯგუფი, რომელიც საპატიო მოქალაქის მინიჭების თაობაზე დასკვნას წარუდგენს გამგებელს; სამუშაო ჯგუფი შედგება 9 წევრისგან: ქობულეთი მუნიციპალიტეტის გამგეობისგან -3 წევრი, ქობულეთი მუნიციპალიტეტის საკრებულოსგან-3 წევრი, არასამთავრობო ორგანიზაციებისგან -3 წევრი.
3. ქობულეთის მუნიციპალიტეტის გამგებელი „ქობულეთის მუნიციპალიტეტის საპატიო მოქალაქის“ წოდების მინიჭებაზე გადაწყვეტილებას იღებს შესაბამისი სამართლებრივი აქტით.
4. „ქობულეთის მუნიციპალიტეტის საპატიო მოქალაქის“ წოდების გადაცემა ხორციელდება ქობულეთის მუნიციპალიტეტის გამგებლის გადაწყვეტილების საფუძველზე.
5. „ქობულეთის მუნიციპალიტეტის საპატიო მოქალაქის“ მონაცემები ჩაიწერება „ქობულეთის მუნიციპალიტეტის საპატიო მოქალაქის“ წიგნში, რომელიც ინახება ქობულეთის მუნიციპალიტეტის გამგეობაში.
6. „ქობულეთის მუნიციპალიტეტის საპატიო მოქალაქის“ დამადასტურებელი მოწმობის დამზადებას უზრუნველყოფს ქობულეთის მუნიციპალიტეტის გამგეობა.

მუხლი 4. საპატიო მოქალაქის ჩამორთმევის საფუძვლები

1. პირს შეიძლება ჩამოერთვას „საპატიო მოქალაქის“ წოდება, თუ მის მიერ ჩადანილი იქნა:

ა) საქართველოს სისხლის სამართლის კოდექსით გათვალისწინებული დანაშაული;

ბ) საქართველოს სახელმწიფო ან ქობულეთის მუნიციპალიტეტის ინტერესების წინააღმდეგ მიმართული ქმედებები;

გ) ზოგადზნეობრივი ნორმების, პატივისა და ღირსების შემლახავი ქმედება.

2. პირს შეიძლება ჩამოერთვას „საპატიო მოქალაქის“ წოდება საკუთარი ინიციატივით, წერილობითი განცხადების საფუძველზე.

3. „ქობულეთის მუნიციპალიტეტის საპატიო მოქალაქის“ წოდების ჩამორთმევის უფლება აქვს ქობულეთის მუნიციპალიტეტის გამგებელს, რომელიც გადაწყვეტილებას იღებს ბრძანებით, სამუშაო ჯგუფის დასკვნის საფუძველზე.



მუხლი 5. „ქობულეთის მუნიციპალიტეტის საპატიო მოქალაქის“ მოწმობის ფორმა

„ქობულეთის მუნიციპალიტეტის საპატიო მოქალაქის“ მოწმობა წარმოადგენს ყდაში ჩასმულ შუაზე გადაკვეცილ ფორმატს, რომლის წინამხარეს, კანონმდებლობის მოთხოვნათა დაცვით, ამოტვიფრულია საქართველოს მცირე სახელმწიფო გერბი და ქობულეთის მუნიციპალიტეტის გერბი, ხოლო შიგნით, მარცხენა მხარეს, ცენტრში დატანილია წარწერა: „ქობულეთის მუნიციპალიტეტის საპატიო მოქალაქე“, მარჯვენა მხარეს „ქობულეთის მუნიციპალიტეტის საპატიო მოქალაქის სახელი და გვარი, საპატიო წოდების მინიჭების თარიღი, ასევე გამგებლის სამართლებრივი აქტის რეკვიზიტები, (რომლითაც განხორციელდა მინიჭება) ხელმოწერა და გამგეობის ბეჭედი.



ქვემო ქართლში
საპატარავო მუნიციპალიტეტის

გადაცემა



ქობულეთის მუნიციპალიტეტის
გამგებლის ბრძანება

-----წელი-----№-----

სახელი გვარი

პირადი ნომერი

მიენიჭა ქობულეთის მუნიციპალიტეტის
საკრებლო მრეწველობის

წილი

ქობულეთის
მუნიციპალიტეტის
გამგებელი

ქობულეთის მუნიციპალიტეტის
საკრებლო მრეწველობის